

### SOALAN NO: 3

Pihak Kementerian turut merancang untuk menaik taraf ibu sawat di pinggir bandar bagi penyediaan capaian akhir talian tetap sehingga 20Mbps termasuk di 5 ibusawat di Raub ini dalam tempoh 3 tahun akan datang melalui projek Jalur Lebar Pinggir Bandar (SUBB).

Sebagai tambahan, pihak penyedia perkhidmatan turut melaksanakan beberapa inisiatif untuk meningkatkan kelajuan perkhidmatan Internet di negara ini. Antara usaha yang sedang dilaksanakan ialah menaik taraf sambungan teras tapak-tapak pemancar menggunakan rangkaian gentian optik, membangunkan lebih banyak rangkaian LTE dan meningkatkan kelajuan sambungan jalur lebar talian tetap sehingga 8Mbps.

Dengan adanya pelbagai inisiatif yang telah dirancang ini, kelajuan Internet di negara ini akan dapat ditingkatkan dan seterusnya memperbaiki kedudukan negara di peringkat antarabangsa. Pihak Kerajaan akan terus memantau dan meningkatkan tahap perkhidmatan Internet di negara ini dari semasa ke semasa.